



明實錄

附錄

仁宗實訓
宣宗實訓
英宗實訓

九七



明宣宗章皇帝實錄卷之七十五

宣德六年春正月丙寅朔 上御正朝受賀大宴文武羣臣及
四夷朝使文武羣臣命婦朝 皇太后 皇后○丁卯罷湖廣
採木之役初工部奏遣侍郎黃宗載吳廷用往湖廣督採材木
并發民運舊所採木赴南京至是 上聞湖廣早災民困遂罷
其役以勅諭之曰比聞湖廣早災軍民艱苦而木皆在深山大
谷之中道路崎嶇猝難致力若已出山在水次及向之漂流已
得者全軍夫運至龍山廠其未出山與漂流未得者悉罷又聞
向所採木多是虛數今宜以實聞毋踵前非以道後忠爾等即
日還京○戊辰夜有流星大如盃色青白光燭地起玉井後有
二小星隨之西南行至天陸五鼓有流星大如雞彈色青白尾
跡有光出天弁東南行至濁口庚午逸址鞬鞬祀台不老實來

歸奏願居京自效命為副千戶所鎮撫賜冠帶金織象衣絲幣
銀鈔綿布鞍馬有差仍命有司給房屋器物如例○皮五鼓有
派星大如雞彈色亦有光曲天槍西北行至濁○辛未孟春享
太廟○遣中官祭司戶之神○壬申把河等衛女直指揮僉事
哈剌等來朝貢馬○癸酉行在兵部尚書兼太子賓客張本卒
本字致中山東東阿人洪武中自國子生擢揚州府江都知縣
太宗皇帝義兵及境本率耆老詣軍門朝陞揚州府知府內難
平論功進江西布政司右叅政本幾徵為工部左侍郎坐累謫
交趾 仁宗皇帝在東宮奏召為刑部右侍郎益持敬慎議獄
必原情實于發奸擿伏靡不切中 仁宗皇帝初嗣大位重南
京根本之地曰張本特立不阿首進南京兵部尚書兼掌都察
院明年被召入見言國家大計遂留行在兵部毅然以革弊舉

廢為務 上副位高叟反 幸駕親征罪人既得命本撫輯其
衆而錄其餘黨比還以兵政久弊奸人用貨脫伍藉而援平民
實任者遠邇一轍言于 上擇廷臣四出釐正于正他弊尤多
賜勅獎諭命兼太子賓客且兼戶部戶部政紀尤弛未風夜不
懈講求其故蠲其積弊舉其墜典事甫就緒而卒年六十有五
上深悼惜遣官賜祭賜賻三萬緡命工部營葬戶部覆其家奉
一志奉公廉介有執而尚刻少怨衆忿羣怨皆所不恤其錄高
煦餘黨而脅從者多不免云○甲戌以大祀南郊 上御正朝
文武羣臣受誓戒○丁丑大祀 天地于南郊 上還謁
皇太后畢出御正朝文武羣臣行慶成禮○戊寅以大祀慶
成宴文武羣臣又四夷朝使○昏刻有流星大如雞彈色赤
尾跡有光起閭道後有一小星隨之西南行至奎○己卯命行

在禮部尚書胡榮兼掌右左部事。○巡撫直隸侍郎周忱奏
鎮江民言本府經歷韓盟為政公勤速歲部糧措置有法小民
獲安糧無虧欠後為人誣其受賄積蒙赦宥乞復盟原職以慰
民望又丹徒縣民言府軍左衛官軍舊于本縣緣江佃種荒地
近年招誘逋逃軍因假為義男女墾每戶或一二十人恃其強
力占耕民田二千餘畝稅糧不供甚至相聚為盜民受其害乞
勅戶部遣人挨捕 上諭行在吏部戶部臣曰經歷可令復職
占耕民田者全裏城伯李隆同悅理之作過者擒送京師。○湖
廣都司奏武昌衛左中前三千戶所舊因城內地狹皆居城外
今調去武昌左右二援衛官軍城中多閒屋乞給之以便守備
從之。○庚辰上元節賜文武羣臣宴。○巡按直隸監察御史鄧
榮奏鎮江府丹徒縣常奏縣民所種官田蘆場草灘六十餘頃

皆臨大江馬湖水衝決入江今稅糧仍舊徵納臣奉命覆勘如
縣所奏上命行在戶部即除之○河南按察司奏洛陽中護
衛千戶沈能陳文等受已獲強盜白金縱其逃逸請罪之

上曰強盜譬諸豺虎人共惡而欲殺之彼縱之是縱豺虎害人
命治之如律○蘇州府知府况鍾奏長洲知縣徐亮到任半年
政事不理詰問其故但云年老無能今事皆廢弛吏胥肆奸民
失所望乞別除知縣代之上諭行在吏部臣曰長洲劇縣須
廉幹吏乃能治何以不量才授任即選賢能者馳驛代之○浙
江麗水青田等縣強賊陳才等二百餘人也聚福建福安之湯
洋山號將軍被甲持刃建旗鳴鼓往來旁近諸縣殺人掠財福
建都司遣鎮撫董祥領兵往捕賊殺傷官軍十餘人祥敗軍無
紀律所過肆掠為民害有司以聞上謂行在兵部曰官軍授

民甚于盜賊法不可廢祥霽令按察司治遂降勅切責都司全
量調官軍委都指揮劉海平領捕賊毋遺民患仍勅福建行都
司及浙江都司各遣官軍同進必盡獲賊不獲及縱軍擾民者
悉治罪○卯刻大雷電雨○辛巳建州衛故都指揮僉事李顯
忠妻康氏及指揮僉事金家奴雲南浪劣縣故上官典史王保
子寧等未朝貢馬及方物○賜陝西寧夏衛土官指揮同知韓
當通驢岷州衛刺麻堅來扎等哈密使臣送力迷失及亦力把
里使臣亦思刺麻失等一百二十人白金絲帶衣裏紗羅綾絹
有差○貴州石阡府葛彭葛商長官司長官安寧奏先以官鈔
收雜糧儲金鑾氏守視緣溪洞險僻無所支用恐歲久腐爛陸
納實難請以充有司祭祀遇使廩給之用從之○壬午陞工部
左侍郎許廓為行在兵部尚書勅廓曰兵政國之重事自古聖

君妾不忘危肆朕嗣位以來寢食未常忘武前兵部尚書張本
能體朕心上汲汲于國事下惓惓于兵民專意畢慮夙夜不懈
刻弊舉廢各有條理其卒也朕念之不忘眷求賢能以繼其任
兩廊久仕于朝諳練政務今特陞行在兵部尚書府丞重寄惟
秉忠歷誠勤以往事廉以率下審察必明謀慮必周如政有不
通弊有當革利有當建者毋憚面陳朕將擇而行之無怠無忽
○癸未賜胡廣散元宣撫司把事黃能施南宣撫司把事譚強
等鈔有差○甲申賜朝鮮國貢使崔士儀等宴○南京都察院
右僉都御史李敏年敏字克勤河南儀封人由太學生擢刑科
給事中陞左給事中失滿延陞南京右僉都御史未幾奉命督
伐木之役于徽州會農作興遂詔罷役敏還不數月病卒敏庸
懦無守惟務卑屈下人故與鍾遂者力薦于上謂其厚重不

判及衆都憲政紀渠弛與論師之○乙酉賜朝鮮國使臣崔士
儀等三十六人絲幣表裏○四川夔州府萬縣奏民人三百三
十二戶缺食已給官倉穀一千一百五十三石賑濟○丙戌賜
和寧王使臣脫火歹火者阿力等六百六十人絲幣表裏金織
襲衣有差○副總兵都督僉事文昭等遣人獻所獲曲先賊首
答答不花等至京師行在兵部詣正典刑命下錦衣衛獄○直
隸常州府知府莫愚奏本府監繫強盜馬從陳思保等二人皆
從父先行劫得財律應斬刑部令監候處決臣察其祖父皆以
捕魚為業父先行劫時思保等皆年十二非能助盜特以全家
舟居改亦隨行今父先皆免獨存思保等二人當斬揆情有可
矜者上謂行在刑部侍郎施禮等曰虞舜罰弗及嗣文王罪
人不孥戒皇考常詔天下非謀反大逆父子毋連坐况事發時

尚幼宜得寬減命釋之又曰爲守能言此亦可謂有仁心矣○
丁亥命梁王瞻伯械承奉孔勤送京勤狠傲屢侮慢王至出言
語又嘗踢王所坐胡麻亦仆地追逐王入卧内王不能堪欲拔刀
自殺左右救止之事聞上大怒遣人執勤罪之王奏乞宥其
愚戇上諭行在兵部臣曰梁生朕親弟爲下人侮辱理應罪
之而王反爲救解此必同類小人迫脅王爲此奏遂遣勅戒王
勿聽群小之言朝廷自有處置○賜安定衛國師賞竹領真并
安定王所遣鎮撫梁兒只失加等鈔綵幣表裏金織紵絲襲衣
有差○戊子賜建州衛故土官都指揮僉事李顯忠妻康氏及
指揮僉事金家奴等六十九人把河等衛指揮僉事哈刺等雲
南浪穹縣故土官子寧等鈔綵幣絹布及紵絲襲衣有差○夜
有流星大如雞彈色赤有光出文昌北行入雲中五鼓有流星

大如五色赤有光起軫後有三小星隨之東南行至庫樓炸散
○己丑建州等衛指揮僉事張加等來朝貢馬及方物○宥泰
寧福餘朵顏三衛剽竄之罪勅諭其大小頭目曰朕恭膺天
命主宰天下四方萬國之人皆欲使之安樂得所爾等受朝廷
爵賞不能約束下人致其近年常入邊境剽掠邊將屢請加兵
朕體上天好生之心不允所言蓋慮大軍一出累及良善茲
特宥爾等罪凡前者作過之人聽爾自行處治其所掠之物悉
追究送還仍令納馬贖罪改過自新若恃惡不悛大軍之來不
獨爾等父母妻子受害昆蟲草木亦不得寧勉思良圖毋貽後
悔○甘肅總兵官都督劉廣奏西北二虜多來鬻馬請給各色
綿布一十萬匹酬其直上命行在戶部以五萬匹給之八夜
月犯南斗。庚寅免山西安邑縣復業逃民三千七十一戶宣

德元二年稅糧共一萬七千石有奇。鎮守西寧都督史昭奏阿端衛官民先從曲先為逆，懼罪竄逸。雖蒙撫諭，仍依曲先雜處，未復職案。今曲先順服，阿端官民亦宜招撫。上命昭遣人齎勅往諭，使逆改地。昭又言曲先衛真只罕等本別一部，因助散即思為逆，官兵致討，遂率其衆竄往畢力木江，未及剿戮，亦未歸附。且當烏思藏要途，恐復為患。上勅昭曰：「境夷窮迫，無所自容，何足與較？其遣人悉宥其罪，使還故處，各安生業。」昭入奏安定衛指揮桑哥等訴蒙調同罕來衛兵討曲先罕來方命不至，其部下板納族散安定官軍討曲先，頓兵白合兒之地。凡桑哥及部下指揮千百戶鎮撫經歷等家屬帳房馬駝牛羊搶掠殆盡。臣訪板納雖屬罕來，然自為一族，乞降勅追理。上勅罕來令俞板納頭目以所掠人畜悉歸安定，則宥其罪。如

執迷不遂卽舉兵誅仍勅昭從長處置務使番夷順服遠境肅清○恭議原因言臣比奉命于總兵官都督劉廣所治文書謹上便宜五事其一自肅州酒泉驛至莊浪沙井驛凡二十一處使客往來宿支廩給五升經過三升旗軍日支行糧二升凡進貢馬日支料五升操備馬日四升皆出于民供給不易乞為減省使客宿支廩給三升經過二升旗軍行糧一升進貢馬日支料四升操備馬三升其二今各衛所腴田皆為官豪之家所據雖已報官仍有不盡屯軍所種多是沙地以致子粒多欠乞遣大臣會三司堂上官踏勘除報官納糧外有多據者悉與屯軍其三凡差往外夷官軍人等至甘州往往住三四月及半年之上廩給行糧馬駝草料供出民力比其就道所費多矣自今乞令差去之人量時出京不許久住甘州其四邊境倉儲宜加擇

節今所考察各衛老幼有疾軍官仍于本衛支給俸所費不貲乞
調于腹裏有糧處如例支給其五甘州左等衛管屯官怠多勤
少不肯用心督軍以時耕種致子粒無收乞勅巡按監察御史
及陝西按察司嚴督有怠惰者罪之庶屯種有收軍食充羨
上嘉納其言命所司行之。士辰行在後軍都督府奏宣德五
年給賞軍士冬衣布花武城右衛軍士未領者三百九十四人
悉爲千戶孫顯侵用顯又冒支軍人口糧請治其罪 上曰朝
廷恒慮軍士寒餒親管官乃恣肆侵奪不仁甚矣治之如律。
南京工部奏江東門外瀋陽中護衛倉無糧收貯存空屋一百
七間去江僅二十丈江水泛漲皆將淪陷而烏龍潭諸衛倉缺
料修理乞拆其材用之從之。癸巳行在吏部奏鎮江府知府
同知蘇州府吳縣知縣皆以貪鄙爲巡按御史考察黜直隸府縣

民事繁冗官不可缺今丁憂知府尤禔同知趙郁知縣宋彬服闋到部擬以禔爲鎮江府都爲同知彬爲吳縣知縣資品相應上曰守令當用廉正有才能者毋拘拘循資格此數人可用則用之但舊官以貪鄙去今所用勝彼則可不然徒勞費無益○德清縣丞張壽以科歛民財浙江按察司問擬徒罪送京師匿上林苑監丞鄭顥家一月不赴官行在都察院奏顥亦當問罪上曰觀近臣以其所爲主顥庇貪人顥之爲人可知併罪之○金吾右衛千戶閻順領軍守衛西華門私縱三人下直及御史點視又私令餘丁代之御史劾奏順上命行在都察院併所縱軍治之○甲午給寧府新昌王磐炷歲祿二千石內支米五百石餘一千五百石折鈔○復應城伯孫傑歲祿初傑以貪淫得罪停祿至是念其前人功始復之○賜撒馬兒罕使

臣卜顏剖法兒等鈔絲幣表裏有差初行在禮部奏卜顏剖法兒等進速來鑾石一萬斤多不堪用今還請薄其賞上曰厚往薄來懷遠之道撒馬兒罕去中國最遠母肩肩與較可加厚遣之故有是賜○副總兵都督會事方政奏近緣邊屬有聲息已整軍防備而雲州赤城諸堡及新築永寧衛隆慶州城俱乏軍器請給之上謂行在工部尚書吳中等曰守禦之策當城池高深兵革堅利然雖有城堡而器用不足亦不能成功所需者悉與之○乙未沙州衛韃靼忽迭兒必失等七人來歸奏願居京自效命爲百戶所鎮撫賜冠帶金織襲衣絲幣銀鈔鞍馬有差仍命有司給房屋器物如例

大明宣宗皇帝實錄卷之七十五

